

淨土傳燈歸元鏡

下卷

智叅記

風陵文庫
文庫19
F 226
2





卷下

異方便淨王傳燈歸元鏡三祖實錄卷之下

古杭報國嗣法沙門智達拈頌 弟子德日閱錄

懲奸禮祖分第二十二 淨扮閻王鬼判隨上

鵲橋仙 執掌輪迴。四生變化。從來果報無差。陰陽
善惡不須查。業鏡當臺照察。

盡刑鍛煉惡衆生。只爲從前造業深。不要披毛并
戴角。勸君休使畜生心。自家五殿閻羅天子便是
身居地府。職掌輪迴。胎卵濕化。四生皆出吾門。鬼
畜人天。六道不離本處。任你潑天威勢。進門來膽
喪魂消。由他古怪奸雄。到此地身飛肉碎。正是陽

間萬惡由他造。到此三塗任我施。今日正當放告之期。叫鬼卒開門放告。鬼應介。副淨扮無頭鬼。叫冤枉上。閻你那鬼魂。姓甚名誰。所告何事。趙小人。姓趙名龍。告爲誣奏被殺事。

桂枝香

冤魂楚毒。籲天無路。

那臨安府尹許自新呵。

受私誣

奏朝廷。把俺分屍暴露。我泉臺恨深。泉臺恨深。奇冤千古。投身控訴。望大把奸鋤。追命來陰府。當臺雪怨

誣。

閻受私枉。奏殺及無辜。陰報難逃。理宜追勘。叫鬼卒。押此冤魂。捉拿許自新。赴審無違。判稟大王。許

自新已在家修行。削髮爲僧了。閻既已爲僧。着青

衣引至。鬼帶趙下。鬼牽打吳圖上。閻作看案介。元

來是晋朝南康府。照磨。姓吳名圖。因沙汰僧衆。受

贓五千餘兩。害及老疾窮僧。次者七十四人。黜退

真僧五十二員。後署通判之印。屈害良民。無有央

數。拍案怒介。好可惡也。採下去。打介。吳哭介。噯

唷大王。

桂枝香

我生前昏耄無端顛倒。

怎的那時節。見霎

時翻轉良心。一味裡橫爲。只要。怎知道今朝受刑。今

朝受刑。難逃陰報。

勸世回頭及早。我只因不信三寶。屈害良民。今日裡

到陰曹。受盡無邊苦。重重罪莫逃。

閻叫鬼卒把鋼叉叉過心去。又介吳作痛楚介鼓

響放叉介閻

皂羅掛猫墜

可惱輕欺三寶。把諸僧戒牒一筆勾

消。彌天大罪實難逃。阿鼻受苦須知道。吳望大王休

叫。那時節你肯饒人。我也相饒。

判稟大王。此鬼重重地獄。受苦已過。目今當為畜

生。陽間還報閻罰他五百世為牛。還人宿債五百

世為猪。償人宿命。去罷。吳叫苦。鬼牽下。小旦扮青

衣引許上。鬼帶趙上。青許自新到閻許自新。你既

為府尹。應當清廉正直。為國愛民。為何受賊枉奏。

把趙龍殺害。他今告你。有何理說。許大王並無此

事。都是趙龍捏虛誑告。

啄木兒

他心如蠶。勢太豪。欺壓良民如糞草。恃威

強佔盡田庄。儘橫行奸穢多嬌。

趙這都是許自新誑

遂挾仇把王那朝廷已識他奸狡。天威震怒施陽報。

稅司首告。因此梟首雲陽赴法曹。

閻你二人不須爭執。到業鏡臺前一照。便知分曉。

鬼卒拖照現業介。鬼卒稟大王。趙龍素行不端。果

係無賴。與許自新所訴不差。閻大怒介。

歸朝歌 可恨你。可恨你。千冤百狡。到此地。到此地。猶然誑告。全不想。全不想。到頭消繳。這罪業。怎支銷。重重地獄。須酬報。趙望大王 超生閻誰人叫你來投到。自作應須自受熬。

叫鬼卒。將他刀山地獄。受苦五百劫。再行發遣。去罷。趙哀求鬼打下閻。判官將許自新受生冊籍。查勘壽數。還有多少。判作檢簿介稟大王。元字五百號。許自新臨川受生。官居三品。辭職在家修行。後受永明禪師遺囑。立化。此時陽壽尚未盡絕。閻可喜可喜。元來是個善人。請起來。待我禮拜了祖

師。發放你回陽便了。許啓問大王。這頂禮者是個佛祖。閻就是那杭州永明禪師。衣不繒纈。食無重味。精修禪士。萬善莊嚴。不久西方。蓮登上品。俺陰曹十分欽敬。因此日日焚香頂禮。斷事已畢。正值行香時候了。判請大王行香。閻作禮像介。

清江引 恭聞聖德殊希少。禪士兼修到。西方上品生。跳出輪迴道。勸世人做禪師。須及早。

許自新。你既到此間。送你去地獄中。遊觀一遍。回到陽間。勸化那班造惡的男女。顧判介着青衣。好好護送便了。

陰曹賞罰果無私

莫道欺心神不知

善惡到頭終有報

只爭來早與來遲

魂遊地獄分第二十三

青衣引許上

誰陰風慘慘霧沉沉。滾滾黃沙撒眼昏。舉目更無人作伴。孤魂到此最傷心。迤邐行來見此大關。不知何處青。此是消魂關口。亡魂到此。膽魄皆消。故名消魂關。待我叫他開關。叫介關上人開關。鬼來者何人。擅叫開關。青吾奉閻王旨意。引此善人。歷觀地獄。勿得攔阻。鬼既奉王旨。待我開關。就是作開關介。青衣引許入關。許倒退以袖遮面。介這一

陣陰風。好唬人。

山坡羊

陰冰冰寒風幾陣。慘昏昏愁雲罩定。顛驚

驚舉步難前。寒凜凜。驚速身難禁。

前面這座高山。是

山。山高五十由旬。

外勢摩雲。山高路怎登。

青是滑油。為人作何

是衆生脂膏所積。

持齋戒殺身清淨。穢

業自消。化為平路。外原來如此。

業消除路坦平。前面那座高臺。是什麼去處。青是望

眺登眺。作

分明。一望鄉關眼倍清。

你看家中老幼。他

傷心。相對恹惶兩淚零。

亡魂到此。好淒涼人也。不免下臺去罷。

醉扶歸

下層臺怯怯投前進。

外前面又是何處。戰

競競來到惡狗村。惡狗撲上青引許高立介此乃善人。在此經過。休得混擾。汝宜速退。

狗跳下許狼牙如鋸眼如鈴。造惡人到此難逃命。驚恐介他

人在世。慳貪嫉妬惡口傷人。故有此報。須知道慳貪原是犬狼心。傷人

惡口遭他殞。青行了半日。且少息片時。內扮男女赤身持衣散髮顛狂介鬼卒持棒打下許

江兒水 我一見心驚怖。魂飛氣不禁。這班人為何

孟婆湯。亡魂到必嘗。口乾偏要飲。入口便顛狂。那孟婆呵。把惡人驅入迷魂陣。眾

生到此昏迷甚。外為人作何功德。不被此湯迷亂。青

卷念佛百聲。若到此間。心體清涼。即不被此湯迷惑。為人不飲心清淨。外金剛

功德。般若是如來真性。一句彌陀。縱有迷湯立醒。青

許合掌念佛介元來有如此功德呀。前面那血浪

滔天。怎生過去。青此是血湖池。是陽間女人所積

的穢血。內中受苦的。都是些女人。外人生作何功

德。可免此難。青若有孝子賢孫。持齋三載。日持心

經一卷。念佛百聲。頂禮慈悲水懺。二十四部。其母

即時脫離。往生善處。許持誦血盆經何如。青血盆

經懺。係後人偽造。非佛所說。功德淺薄。不能頓超。

許元來如此。若不到來。怎生曉得。青我與你往別

路過去便了。許

玉交枝 急投前進。喘吁吁魂不在身。呀。擡頭忽見

山高峻。都是些劒樹刀林。唬唬人。滿山骨肉血淋淋。

肝腸掛樹人頭滾

驚問介這是什麼地獄。這般利害。

毀謗三寶殺戮生靈。都受此報。

合在陽間誰人信心。到來時甘心受

刑。

許阿呀。這地面熱得緊。怎生去得我。

川撥棹

難前進。熱煎煎路怎行。

內火焰介許驚怖倒退介

忽然

間火焰騰騰。忽然間火焰騰騰。見通紅一鐵城。到其中。怎脫身。諒其間苦不禁。

青這是鐵圍城。阿鼻地獄。還有油鍋地獄。鋸解地

獄。風刀確搗。沸屎寒冰。無量無邊地獄。一時不能

遊徧。

尾聲

重重地獄難遊盡。

外作禮介

多謝你慈悲指引。放

我還陽感再生。

青善人過來。這邊橋上好一池清水。洗濯洗濯。許

上橋。青作推入水下。

回陽覓道分第二十四

院子扮老道人上

天有不測風雲。人有旦時禍福。自家院子便是。自別舊主。許老爺棄職回家。即便削髮為僧。把家宅改為菴院。小姐亦在近村。聖姑尼院。別住焚修。因此俺亦為道人。在家修行。不料前日。老爺在堂中誦經。忽然身歿。已經三日。心窩未冷。不曾入殮。小

姐因此回來。治喪料理。咳。目今家下無人。如何是好。內叫介。院子快來。老爺甦醒了。院驚喜介。老爺甦醒了。有這等異事。同女扶許上。

稱人心

醒來方覺頭懸重。心中猶自朦朧。

扶坐介。這是什麼所在。女是自己庵中。許你是何人。女是你女孩兒。這是院子。老爺神尚未定。院子取定神丹來。與老爺服下。許吃嘔介。女好了。吐出許多冷痰來了。許心中寬爽。不覺一時清健起來。

女爹爹爲何原故。許一場異事。

集賢賓

自那日堂中危坐久。忽然間陰使相勾。一

點靈魂隨路走。黑漫漫霧霧慘雲愁。女何人勾去許冤家聚首。那趙龍在陰司將我告准因追我當臺鞫剖。女審得如何知虛謬。把那厮受罪鄴幽。

女爹爹到陰司。有人拘禁你麼。許

前調

我到陰司隨意走。把重重地獄都遊。

女那地獄中見

些甚麼見苦痛千般真罕有。勸人生及早回頭。急須撒手。緊隄防江心船漏。那地獄中真是人知否。這消息分外添愁。

我雖爲僧。不能了除生歿。却被勾入陰司。見重重地獄之苦。又見閻王。將永明禪師。懸像頂禮。我今

決意投他。要了明生歿大事。孩兒。你自今已後。當精進修行。不可隨流。虛消歲月。女爹爹放心。

啄木兒我心清淨。勵志修。把禪戒清規嚴自守。從今要打透禪機。撇萬緣。覓個休休。詞你要一女我彌陀一句全消受。詞只恐你一時發女我道心堅固終悠久。不似那狂花逐水流。

許若果如此。必能成道。也不枉出世一番。院子過來。就把此庵交付與你。你可延請高流。開堂接眾。永作叢林。汝就可削髮。隨眾焚修便了。院

簇玉林承付托。願報酬。儘平生禪力修。殘陽瞬息難停久。許你須精進修行。院修行肯落他人後。我只愁水萍遊孤身千里。雲日兩悠悠。

女爹爹要到杭州去。再消停幾時。許

貓兒墜吾今年老。難以久淹留。妙道當須着意求。了明生歿念方休。合休後莫待要西風苦雨淋頭。院女

前腔從今一別。萍散浪花浮。踪跡無依聚莫由。不堪回首夕陽愁。合休後莫待要西風苦雨淋頭。

女院拜介

尾聲匆匆孤影行何驟。女悲介此際不堪回首。許

二人當精進修行。須信無常人盡有。

許棄俗為修行

女分離不忍情

院將軍不下馬

合各自奔前程

道傳海外分第二十五

未冠帶一承直隨上

夜行船

海外孤臣來此地。已經兩載之餘。今欲東

歸。海天萬里。辭別吾師而去。

下官高麗國行人官便是。自奉王旨。航海而來。獻

紫金鉢盂一圓。七寶番錦袈裟一襲。紫晶念珠一

串。黃金千兩。建造寶刹。就名高麗寺。到此已經兩

載。寺已造完。今當辭別聖師。泛海回國。承直通報

承上脚踏纜出定。又道使臣來。相見介。行自謂吾

師。已經兩載。今欲返國。敢別聖師。所有玄詮。乞求

開示。以便復命。承佛法無多。只在一句阿彌陀佛。

念得心空。自然見性。我有宗鏡錄一百卷。萬善同

歸集一套。奉上汝主。如法修持。決不相賺。

傾盃賞芙蓉

傾盃序

須知宗教總明心。大道無岐徑。儘

自有本地風光。自性彌陀。應運隨緣。萬法歸真。

行大

鏡錄。意旨

如何承玉芙蓉。修持定慧。憑宗鏡。

行那萬善同歸

萬善同歸。極樂尊。須皈正。羨蓮邦。甚近。

行依何法而

承好兼修禪土。此是上根乘。

普天樂犯

行

聽玄詮。開蒙性。破迷雲。歸清淨。喜修持

禪土雙均。况一句阿彌陀佛。是從權悟實根因。○兼修利鈍
三根普攝超千徑。吾師日間行道。夜間念佛。羨西方萬善莊嚴。直
遙馳海外弘名。

〔永〕拜上汝主。莫戀榮華。當歸正道。

朱奴兒犯〔永〕念浮生無多光景。嘆富貴浮雲沒定。莫
豪華儘力忘真境。好教他勿昧前因。嗟歲月過駒影。
紅塵夢短。雙丸不暫停。戲場容易盡。那時三塗之苦。不可勝言。只
落得自家煩惱自酸辛。

尾聲〔行〕吾師指示明如鏡。感得你悲心接引。我一句
彌陀歲月深。

弟子就此告别。〔永〕恕不能遠送。

〔行〕辭師遠別卽東歸。〔永〕須信光陰暗裡催。

〔行〕普願有情同此教。〔永〕恩沾三有樂無爲。下行

〔永〕吊塲直院何在。老旦扮直院上。大師有何分付。
〔永〕吾一期方便。今已周圓。一報革囊難以久住。明
日清晨當圓寂西去。不日有一傳燈法器。來自臨
川。係本府舊尹。我有遺囑一篇。偈言一首。交付與
他。他自有發放處。直謹領慈旨。大師有何遺教。普
示大眾。〔永〕別無他法。只是一心念佛。

清江引 須知念佛休教撒。念念心端切。瞥見念佛

人迸出寒山月。咲呵呵要歸時。我便歸去也。

遺囑傳燈分第二十六

許上

駐馬聽甘歌

駐馬

遠撒家鄉。一望烟雲路渺茫。只為

尋師訪道。不辭跋涉。要躲無常。

我此身離俗之後。好似

金鱗透

網下瀟湘。開籠野鳥雲途曠。

甘州歌

林花燦。水藻香。清

幽物外好年光。湖影碧。山轉蒼。松篁三徑到門墻。

一路行來永明已到。不免進去。直上相見介。尊師

仙鄉何地許

皂羅袍

來自臨川縣上。

直為訪何人許

為修行特此遠發

西江。尋師接引作慈航。遠來朝夕相親傍。我與大師原是故人。

直真非許大人否。許正是直失敬了。吾師常念大德未忘。雲途修阻。音

問久荒。

許如今大師身體安否。直

數日前圓寂歸西向。

許驚介。大師圓寂了。直本年二月二十六日。辭別

大眾。跏趺而化。許作悲介。我那大師

前腔

聞此。不勝惆悵。奈緣慳福淺。不得承光。

直大

必悲悽。先師早已知道。法駕到來。預有偈言遺囑在此。

安心不必太驚惶。吾師

偈囑相呈上。

許元來有遺言分付。親承慈教。如臨法王。

拜西

頂禮。恩誨敢忘。

作看介

教我端心一意修安養。

許大師道。一句彌陀。乃斬無常之利劍。出生死之

要門。但要端心。必生安養。既已自利。尤當利人。我

有彌陀經一卷。囑累於汝。當令世世流通。燈傳無盡。那時與汝淨土相見也。還有偈言一首。國當日月並行時。淨土機緣大展施。世世流通功德滿。開花結果在蓮池。此大師秘旨。一時不能通曉。

僥僥令

吾師深與旨。秘密不能詳。但把彌陀心普向。發慈悲。作度航。把傳燈一力量。

本欲相依。奈我年老。不能弘化。意欲別換皮囊。再來人世。那時方可接物利生。燈傳無盡。請了。但教一念菩提切。立脫枯骸也不難。**下直**呀。爲何許大人一時進去了。

前腔

他臨川來此地。水遠共山長。也只爲修行來倚傍。他道別換皮囊。再來人世。這言辭甚不祥。好教人心悒快。

丑扮道人上稟師父。許大人走進法堂。竟立化了。**直**呀。立化了。有這等異事。

尾聲 吾儕不及他奇况。一念傳燈卽立亡。須信修行愿力强。**下**

暗垂接引分第二十七

末五佛冠扮大勢至菩薩上

本來心佛兩俱空。淨域高超願力功。莫道持名無實驗。吾曾念佛證圓通。自家大勢至菩薩便是。今有蓮宗八祖。蓮池大師。五百年前曾受永明遺囑。

教他弘通淨土。永遠傳燈。已經數世。得念佛三昧。目今時值明朝。正是收功結果之際。大展淨土法輪。度生無量。奈他孝養雙親。未得離俗。今父母雙亡。時節已到。不免將幻相三昧。撥動他本來。庶可割恩長往。護法神何在。扮護神上。菩薩有何使令。未。今有蓮宗八祖。為母供甘。未曾棄俗。今修行時節已至。可將他所愛茶碗。乘機打碎。示現幻相。不常動他出塵之念。不可悞旨。應下。

玉胞肚。他本來清淨。為劬勞難拋。至恩喜。今朝萱草分離。論因緣正好修行。示將幻相不常存。從此超然定出塵。

證果非無日

修行各有時

若能精進去

不必更嫌遲

逗機發愿分第二十八

生扮蓮大師素服上

三登樂。歲月如飛。又一歲。今宵已矣。痛萱親泉下無依。念音容。思乳哺。觸目凄其。桃符換舊。愈增人追憶。

杯泛屠蘇。一歲終。梅花爆竹換春風。時人盡賞。今宵節。偏我今宵思不窮。小生沈某。字佛慧。別號蓮池。武林仁和人。也。身列芹宮。文雄多士。奈我心棲

淡泊富貴之念頗輕。志尚清閑。功名之心頓減。娶妻張氏。內助頗宜。父母在堂。承歡最樂。不料累歲已來。椿庭忽喪。伉儷隨亡。止存老母一人。中饋無托。只得繼婚湯氏。非吾愿也。誰料今春。萱堂又殞。一家骨肉。消散無餘。正是因緣幻合。渾如夢。緣散還同浪裡萍。好傷感人也。今夕適當除夜。喜得娘子賢淑。躬備酒餚。祀祖分歲。只因我心念無常。不能為樂。且在此書房。閑坐消遣。小旦扮湯氏素服

上

賴畫眉

夜筵初罷整新衣。銀燭紅爐處處輝。呀。相公為

何獨坐在此。你聽。滿城簫鼓震如雷。人逢佳節須增喜。何事君家獨皺眉。

蓮咳。娘子你怎知我心事。

前腔

書齋獨坐展幽思。三十無成事可知。那堪萱母夜臺。妻心中無限傷情事。不耐燈前對酒卮。

湯相公。你酒雖不飲。烹一杯茶吃如何。蓮若得代

酒從事。此舉極佳。湯梅香。可將相公平日所用的

茶甌。烹一杯好茶來吃。內應介。

前腔

知君煩渴似相如。雪浪烹茶可沁脾。相公。人

生歡會幾多時。百年此夕休輕棄。且就良宵樂唱隨。

丑扮梅香捧茶上護神照面梅作跌倒碎碗口四有鬼介蓮

不是路語急身遲想是茶甌墮地時起看介紛紛

碎平生所愛須臾棄湯謾躊躇梅阿爺聲聲猶自叫

有鬼口內狂言意若癡蓮蠢成何事些須茶盞你擎

不住理難饒怨湯相乞須饒怨

湯相公此婢理宜責罰但今晚是個除夜且饒他

這一次罷下次須要小心梅曉得幾乎活驚殺下

蓮娘子你不知這隻茶甌自幼相隨已二十餘年矣

不意分離忽在今夜湯相公可知道萬物皆有無

常因緣無不散之理蓮背身介方纔娘子此言深

合我平生之志我想起來此身虛幻酷似空花百

歲光陰速如飛電一旦無常忽到難免此日分離

畢竟與此甌一樣轉身揖湯介

節節高娘行是我師語投機一言警覺我終身事

堪嗟處歲月馳難留住無常一到誰能替茶甌此夜

終須碎合莫待西風雨打頭修行早辦歸家計湯

前腔君家意莫癡且遲遲我方纔是無心之談你

速不是當要湯你今年方三十若要修行年當半百方可矣功名事奮發

時須勤志如何決意空門去夫妻魚水成何濟蓮咳

你莫待西風雨打頭。修行早辦歸家計。

尾聲 今宵已決平生志。娘子謝你提撕我出世。湯

勸你消停且待時。

蓮 離家決意去修行 湯 勸你三思且暫停

蓮 莫道老來方學道 孤墳盡是少年人

七筆勾塵分第二十九 老旦扮徐姆上

生查子 嬌苦已多秋。淡泊甘心守。年老入桑榆。髮白容顏皺。

老身鄰居徐媽媽便是。一身寥落。廿載孀居。前日年三十夜。聽得沈娘子與官人絮叨一夜。不知因

甚事來。今日不免去望他一望。一者拜年。二來問

個端的。來此已是。不免叩門作敲門介。湯上忽聞

聲剝啄。想是賀年人。開門相見介。元來是徐媽媽。

今日難得你光顧。徐老身今日。一者拜年。二者我

聽得這兩日。娘子與官人絮絮叨叨。不知為着何

來。湯非為別事。只因我官人。一心要出家。搬我前

去。只得在此勸他消停。徐要去出家。阿呀。這等沒

主意。正要發科發甲。改換門閭。況且年少夫妻。怎

生搬得。若官人出來。待我勸他一番。看他如何。再

作區處。蓮上

歸元錄 卷一 七
稱人心 恩情割斷雲遊去。一身瀟灑無餘。

相見介 元來媽媽在此。徐聞得官人要去修行。此情真否。蓮：即刻行矣。何真假之有。徐：官人在上。老身有一言相稟。我想父母生子一場。指望他為官作宰。改換門閥。五鼎三牲。光輝泉下。今官人一旦修行。可不虛了先人之望。蓮：媽媽。你聽我道者。那父母呵。

駐雲飛 恩重山丘。五鼎三牲未足酬。親得離塵垢。子道方完就。嗟。這是出世大因由。凡情怎割。孝子賢孫。好向真空究。因此把五色封章一筆勾。

徐出世酬恩。官人極說得有理。但夫妻魚水。鸞鳳交歡。怎忍得割恩斷愛。拋撇去了。蓮

前腔 鳳侶鸞儔。恩愛牽纏何日休。徐：你看娘子如花似玉。怎生捨得我。看來。活鬼喬相守。緣盡還分首。湯：官人。難道夫妻之情。虧你一時就忘了。蓮：嗟。為你兩綢繆。披枷帶杻。這分明是五百年前。冤家聚會。覷破

冤家。各自尋門走。因此把魚水夫妻一筆勾。
徐：這般說。夫妻也罷了。嘗聞古人有言。不孝有三。無後為大。官人。你今出家。可不絕了沈門後嗣。

前腔 身似瘡疣。莫為兒孫作遠憂。當日燕山竇禹。在哉。憶昔燕山竇。今日還存否。嗟。畢竟有時休。總歸

歸元鏡 卷下
無後誰識當人。萬古常如舊。因此把桂子蘭孫一筆勾。

〔徐官人〕我看你三更燈火。十載寒窗。必須熬頭獨占。也不枉男兒志氣蓮。

〔前腔〕獨占熬頭。謾說男兒得意秋。金印懸如斗。聲勢非常久。嗟。多少枉馳求。童顏皓首。夢覺黃梁。一嘆無何有。因此把富貴功名一筆勾。

〔徐〕功名是未來之事。也索罷了。如今現存家舍田園。好不歡樂。怎生捨得。

〔前腔〕富比王侯。你道歡時我道愁。求者多生受得者。憂傾覆。紫淡飯勝珍饈。衲衣如繡。天地吾廬。大廈何須構。因此把家舍田園一筆勾。

〔徐官人〕你才高班馬。學邁歐蕪。一旦修行。可不埋沒你一生也。蓮。你知道那閻王案前。不要你文字麼。

〔前腔〕學海長流。文陣光芒射斗牛。百藝叢中走。斗酒詩千首。嗟。錦繡滿胸頭。何須誇口。生歿跟前。半字不相救。因此把蓋世文章一筆勾。

〔徐〕我想富貴才名。固為身累。至于世外高風。春遊芳艸。夏賞荷池。金谷蘭亭。古稱高致。難道這樣襟

懷可也少得麼蓮

前腔 夏賞春遊歌舞場中樂事稠。烟雨迷花柳。棋酒娛親友。眼底逞風流。苦歸身後。可惜光陰懨懨。空回首。因此把風月情懷一筆勾。

徐聽官人一一說來。果是修行最好。但是娘子少年。一旦孤處。不為常便。蓮媽媽今日到此。實是夙世因緣。就將娘子付囑媽媽相陪。所有田園儘堪度日。待我雲遊回來。那時改庵焚修。却不是好。湯若得媽媽相陪。奴家亦免侮子之慮。徐老身情愿長往矣。湯驚介

憶鶯兒

憶多嬌

聞君說我心膽裂

悲介蓮背立介官人

何忍須臾

成永訣。百歲夫妻一旦別。黃鶯兒恩情斷絕。我衷腸寸結。盈盈止不住雙流血。蓮轉立介莫傷嗟。百年瞬息終有散時節。

前腔 蓮我志已決。難轉折。今世夫妻前世業。慧劍分開從此歇。我癡關打徹。塵緣頓撇。從今打散迷魂結。

莫傷嗟。百年瞬息終有散時節。

前腔

徐娘

有話說。莫悲切。

指蓮介

他割愛修行志氣烈。

你紅顏自古多磨折。花開有謝。月盈自缺。從來好事

翻成拙。合前莫傷嗟。百年瞬息。終有散時節。蓮

如今娘子得媽媽相陪。我得放心前去請了。從今斬斷愛痴繩。免繫鯤鵬飛不去。下徐呀。官人去了。娘子怎生不留一留湯。我若苦苦留他。人道我爲不賢之婦。以閨闈私情。阻他出世大事。龍天也不護佑了。我初心本欲出家。待他先行。我隨後焚修便了。

尾聲。湯生離信是前生業。從此後紅粧頓撇。徐我和
你守分隨緣捱歲月。下

護法搜山分第三十

淨扮趙玄壇上

三天遠鎮力通玄。手執搖山撼嶽鞭。莫道上清偏護法。皈依三寶已多年。小聖趙玄壇便是。今有雲棲山塢。原係我祖伏虎禪師道場。數百年來。荒廢已久。昨有祖師法旨下來。說不日有蓮宗八祖。蓮池大師。在于此地。重建法幢。弘通淨土。令俺蕩滌壇場。密護地界。俺只索走一回也。

北榴花。豁喇喇震雄威。抖擻出宮庭。霎時可也下。天門。忽地裡紛紛脚下起祥雲。別玄宮太清。漸入凡塵。這其間奉搜山佛祖慈悲令。說甚麼會神通水怪山精。一個個管教他碎首難逃命。方顯俺玄聖赫威。

靈。

來此已是雲棲山塲恐有山妖木魅隱迹潛形不免搜山一番也呵。搜山介。虎上作伏虎脚踏介。

北出隊子

今日裡搜山索隱今日裡搜山索隱。驀

可見哮吼一山君。怎知俺鋼鞭起處不容情。頓教伊

頃刻命歸陰。

罷罷。饒了。你性命。

你須索欽依祖勅。守護山林。

虎吼下。俺四圍搜徧。只有五雲棲止。並無別物潛

形也。須喚山神出來分付。山神何在。丑扮山神上。

大聖有何分付。趙此地將有祖師重興道塲。度生

無量。有旨着俺蕩滌壇塲。俺也打除乾淨。恐有居

民人等混擾侵損。可差衆虎神密密周護。不許傷

人。待大師一到。即時遠避。

十二月

重囑付恁山神。重囑付恁山神。不日裡興

道塲。弘祖運。你須索用心勤守定。你須索遣虎衛山

林。謾道有妖魔魍魎。謾道有妖魔魍魎。俺也曾打除

乾淨。

分付那。虎神呵。

大師到潛形遠避。切莫興風作怪。小可

間不許傷人。

山謹領法旨。趙吾今覆旨去也。正是道高龍虎伏。

德重鬼神欽。下山神吊塲。虎神何在。虎上。此地將

有祖師重興道塲。今奉上聖法旨。差汝等密密護地。

歸元錄 卷下
界候大師一到，卽當遠避。不許傷人。虎正神在上，若不吃幾個人，可不餓死了。怎能守護地界。山躡躡介也罷。我有個方便。若遇五種人等，方容你吃。虎是那五種人。山一種是打僧罵道，不敬三寶的人。容你吃。一種是忤逆爹娘，欺老凌幼的人。容你吃。一種是奸淫婦女，毀謗善良的人。容你吃。一種是專用假銀，捏做詞狀的人。容你吃。還有一種怕老婆的人。也容你吃。虎怎麼怕老婆的人，也該吃。山你不知道。那怕老婆的人，專聽老婆說話。一聽聽了，他的言語，如聖旨一般。三寶也不敬了。父母也不孝了。兄弟也不和了。損人利己，無所不爲。豈不是該吃的虎。我前日見你跪在你那娘娘面前，被他一頓拐杖，你就是怕老婆的頭兒。我先要把你吃起。虎撲神倒地介。虎下神。阿呀呀。這畜生好無禮也。把我也要吃將起來。正是勢敗奴欺主。時衰虎弄神下。

東昌發悟分第三十一

蓮挑担扮行脚僧上

半肩瓢，衲萬緣輕。登登雲山，過幾層。費盡草鞋，都踏徧。歸來依舊。去年僧某甲，爲生歿事大。棄俗出家。曾投無門洞。性天本師祝髮。只因大事未明，不

遠千里訪叅知識。你看這雲水茫茫。所為何事。

紅衲襖 我只為最初時事未明。我只為念無常催

限緊。我只為炎炎火宅難安頓。我只為業海茫茫怎

出身。因此上撒塵緣割愛情。因此上訪明師行苦行。

到如今三千里外叅求也。也只為佛法無窮到處尋。

前番聞得有位徧融禪師。是個大善知識。因此特

特叅訪。及至叩問。也只教我作福念佛。

前腔 他教我作功德是助道因。他教我念彌陀是

出世本。他教我脚跟兒步步須行穩。又教我急急南

歸莫暫停。雖聞此說。尚未明了。日前又聞得有個笑

只是教我持戒。嚴禪師。大開爐鞴。因此又去入室叅叩也。

念佛。我想起來。可知道識因緣罪福清。可知道持戒

律心清淨。雖知念佛是把穩生涯也。只是為念佛當

人尚未明。

我千里雲遊。為此大事。今未豁然。怎空回去。不免

在此樹下。且盡情叅究一番。

前腔 莫不是能言的是本真。這是識神了。生

是睡夢中的。是我主人。這是昏沉了。莫不是諸緣滅

盡枯禪定。這是空定。入于莫不是四處威儀任我行。

這是散亂。又入于這事兒要搜尋却怎尋。這竅兒要

通他無定準。起拜介咳。我今撮土焚香也。若不發明

鳥元金 卷一
我拚向東昌喪此身

我今再默究一番。畢竟要了明此事。高坐入定介

內鼓一通。高唱云。蓮大師。諸業已散。五蘊皆空。雜
扮佛秉爐上。遶師三匝。對面焚香。虛下淨扮魔。遶
三匝。擲戟三下。虛下魔換佛面。佛換魔面。俱遶場
下。蓮出定介。方纔定中。分明見我佛焚香。魔王擲
戟。又見倏然魔化爲佛。佛又化而爲魔。思介。這是
怎麼說。忽悟介。噴。指心介。元來止是這個。怎麼向
外馳求。呸。二十年來事可疑。三千里外遇何奇。焚
香擲戟。渾如夢。魔佛空爭。是與非。到如今冰消瓦
解。正好念佛去也。

尾聲 從今已得歸家信。再莫去疑竿探影。作佛還
須助道因。

丑副淨扮遊方。攆頭僧上。丑做盡了一世攆頭。副
攆盡了四方長老。丑長老。你往那里去。蓮阿彌陀
佛。弟子回南去的。攆僧我們也要南去。同行便了。

倚馬待風雲。駐馬。攆步同行。走一程。來又一程。蓮唱

自嘆孤征異國。迢迢雲水。喜遇知音。丑背指介。哥。我

行李。副說得有理。丑上前介。長老。我看你走路辛苦。
這担行李。我們替你挑一程。蓮怎麼敢勞。攆出家人
論不得。替挑介。看你身羸力怯。怎支撐。迤邐退步難
蓮多謝盛情。攆

前進。丑那壁廂有人來了。蓮回頭作推倒介。攏自古
呀。把我的行一江風。你操心太不仁。你操心太不仁。瓢
囊一旦傾。我悽悽赤手遭魔困。飛雲。嗟。遇此不良羣。
緇門不幸。末法荒涼。到此慳貪甚。到是我差矣。怎麼
施纏是。咳。如來如來。我某甲回去。得個埋怨起來。當作布
住處。情愿造個十方堂。供養此一輩人。我發愿供堂
度此人。正

衣鉢還元分第三十二

末扮冠帶執事上

憶秦娥 一從金榜傳消息。身叨儀部南都職。南都
職。君恩難報。敢遺餘力。

抱膝寒窓十載餘。三更燈火五更鷄。如今鴈塔題
名後。不負男兒苦讀書。下官沈淮字三洲。杭州仁
和人也。職授南京禮部主事。衙門無事。清若禪庭。
正是空堂嬉鼠雀。荒砌長蓬蒿。前二僧結扭上。丑
園林好。假意見引我去跌錢。把行囊頃刻盡捐。這
一歎拚教難免。結扭去見官員。結扭去見官員。

跪介。丑老爺。僧人是遠方人氏。路遇這惡僧。把所
有行李。盡行搶去。求老爺作主追還。淨老爺。他都
是虛言。分明跌錢。輸與僧人的。怎生捏言打搶。沈
都少打。好可惡也。汝二人既為僧呵。

錦纏道 離世表。出紅塵。逃禪最高。誰不羨清標。到

如今却緣何不守僧條。為僧有三皈五戒。怎不念沙門戒祖

師規。法乘頓超。那賭博是無藉狂徒之事。豈僧家所為。却甘心作無徒

不肖浮孛。丑一時間的。哇。還自嘴嘮叨。全不想貽人

譏誚。公庭法怎饒。不由俺填胸懊惱。其中還有原故。你可從實供來。

若虛言半句罪難逃。

〔攙〕老爺並無他事。跌錢是實。沈看你二人不像好

僧。左右把他的行李搜一搜。左右搜介有張度牒

在此。〔沈〕取上來。看介法名某甲。字佛慧。別號蓮池。

年三十二歲。係杭州府仁和縣人。呀。這是我兄弟

的度牒。怎生在你包裡。噴。我知道了。聞得我兄弟

在外雲遊。這担行李。一定是我兄弟的了。若非拐

騙。便是竊取。你二人從實供招。免受刑罰。〔丑〕淨老

爺是那師父見僧人淡泊。贈與僧人的。〔沈〕難道把

度牒也贈與你了。一剗狂言。取夾棍夾起來。左右

吆喝介。〔攙〕老爺不須夾得。容僧人直說便了。我

古輪臺。實供招。南方長老忽相遭。可堪動我貪婪

念。見瓢囊清楚。衣鉢新鮮。好將他騙上肩挑。沈怎生他就與

你。俛首低言。商量計策。把行囊竊取一時逃。沈在什麼地方

多應是徐滕地面。隔黃河地勢非遙。沈你知他

說也要到南京。僧人先走了。他曾說回鄉浙省。路出留都。計程應

到我輩半途拋。介拜重稽首。望爺臺悲憫暫相饒。沈

恐有謀害等情。未知虛實。且帶起收監待訪查的

確。另行發放帶二人下。分付各寺庵堂。有杭州蓮

池師父到來。可速通報。左右應介。

為僧竊騙最非宜。就裡機關怎得知。

今日分明天護遣。

瓢囊依舊壁蓮池。

病魔雙困分第三十三。

外師爭徒扮二僧上

普賢歌。子孫快樂在僧房。偏俺師徒日夜忙。師公

叫出鄉。又催上道場。還要出官當里長。

師自家瓦棺寺長老便是徒弟。日前來一個浙江

長老。只說暫住一兩日。不料大病起來。日重一日。

今朝越發重得緊。倘有差池。可不要賠口棺木不

如扶他出去。丟在金剛脚下。任他歿活。却不是好

徒。師父說得有理事。不宜遲。就此動手。師徒扶蓮

上蓮。

一剪梅。千里孤征病異鄉。舉目無依。此處堪傷。

徒。你在這裡睡睡。倒沒人攪你。撇下介。師閉門不

管窗。前月。徒分付梅花自主張。下蓮呀。你看他二

人。把我撇在此間。竟自去了。咳。阿彌陀佛。

二郎神。遭危恙。嘆百節酸疼。熱更狂。料此地孤身

歸元金
終必喪。這個去處風又大。衝風臥冷。那堪雪上加霜。地又冷。怎麼是好。更有誰人送藥湯。又不好。總欲叫我音聲不亮。遭魔障。最苦是孤身病在他鄉。

副淨扮老道人念佛上。阿呀。你是個有病的師父。怎麼睡在這冷地上。蓮。正是。出于無奈。道。你可要些湯水吃麼。蓮。湯水也不思量。只要勞你到禮部沈老爺處。通個信息。說杭州有位蓮池師父。病在這裡。道。阿呀。你就是蓮池老爺。阿彌陀佛。何不早說。沈老爺各寺院分付。正要訪尋你。你可寬心。我就去通報。便了。正是。眼望旌捷旗。耳聽好消息。

忙下。師徒上。師徒弟。你道我這主意好麼。這時候一定周緊了。徒。也是我動手得快。畧遲些。定要賠口棺木。師。還要解禳。請地方。費盡銀兩。徒。正是。做他的命不着。沒有連累。如今我們去看他。歿了不曾。好扛去燒他娘。道。忙上。一心忙似箭。兩腳走如飛。師徒。老道。你為何這等忙得緊。道。你不知道杭州蓮池老爺。病在金剛脚下。叫我去禮部。沈老爺處。通個信息。如今那沈老爺。卽刻就到了。我今回覆去也。下。師驚慌介。阿呀呀。如今怎麼好。都是你這業障害人。打徒介。徒。是你的好主意。反來打我。

歸元錄 卷一
師如今怎麼樣處。徒打得慌。沒計較。師極介事。急急了。快快商量個方法。徒別無計較。速速請他到上房安止。行個苦肉計。一味哀求磕頭。或者慈悲寬恕。也不可料。師說得有理。師徒作叩首哀求。我輩肉眼不識泰山。一時小見。將大師移出。罪實該死。今沈老爺即刻就到。懇乞慈悲。在沈老爺處。方便方便。小僧情愿。盡心供養。蓮我修行人。不計較此事。徒何如。我說這位老爺。是大慈大悲。觀世音菩薩。各叩首介。快請老爺上房安止。師徒扶蓮上坐。介內喝道。介師徒又驚慌介。禮部老爺來了。求老爺千萬方便。方便。蓮斷無害你之理。不須驚慌。

沈執事從上

寶鼎兒

千里手足相逢。又道沉疴未起。

迎接介。瓦棺寺僧接老爺。左右起去。應介。沈蓮大相見。聞得吾弟病重。心下又十分驚憂。不知吾弟這病從何而起。蓮承兄垂顧。實荷再生。我這病呵。集賢賓。數載孤踪走異鄉。也只為生歿。方千里雲途親叩訪。這其間未免風霜。沈還該接醫人看治。此時病體覺漸鬆些。精神漸爽。沈到我衙中。調養纔是蓮論此處儘堪調養。相親傍

歸元錄

卷一

三

喜同枝聚首禪房。

黃鶯兒沈一自別家鄉。忽睽違。又幾霜。私衷切切常

懸望。兄弟。你寬心將養。寒溫自防。喜此地呵。清幽禪室多

虛曠。病魔降。那時安泰。送你到錢塘。

二僧過來。你可用心伏侍大師。病痊之日。我自另

眼看你就是師老爺分付。怎敢有違。

亭前送別亭前切切囑伊行。竭力好承當。他風霜勞

瘁久。調養自安康。江頭送別果然有日身無恙。這其間別

有相將。

用心看待師曉得沈還有一奇事相聞。你途中失

去的行李。今在衙內。蓮從何而至。沈是兩個遊僧

不肯習好。扭至堂上。搜他行李。見度牒上。是吾弟

的法諱。追究實情。果然不差。因此監禁在此。尚未

發放。蓮雖是他不守僧分。畢竟是佛家弟子。望吾

兄寬宥。足感厚情。沈非吾弟垂教。我亦不知。一回

即便發遣便了。

尾聲沈回衙即便相發放。蓮速速施行莫暫忘。沈仇

報吾弟這等慈悲。方信修行非是謊。

兄弟你好生調養。我再來看你。沈起身僧送下師

徒扶蓮介

〔師〕吾師心地果慈悲

〔蓮〕須信無常病裡催

〔徒〕但得一心行正道

〔合〕果然天地不相虧

庵主談經分第三十四

小旦扮湯庵主上

鵲橋仙

道價高超。庵規清淨。名香古鼎常焚。輕風

嫋嫋透閑庭。吹亂幡花繡影。

五陋身多障。千生業未消。若能心解脫。便是斬魔

刀。自家孝義庵庵主。便是。自男伴棄家訪道。老身

亦相繼修真。且喜規範清嚴。道風遠播。縉紳婦女。

接踵而來。建庵菜市橋下。同棲學道。近日香火頗

盛。多感龍天護持所致。今日閑暇。不免叫徒弟們

出來。把修行實要細論一番。多少是好。香燈擊鼓

三下。內擊鼓介。老旦正旦貼丑扮女尼上。老堂前

聞鼓響。旦想是論經時。貼火速披衣起。丑隨班莫

暫遲。眾師父稽首了。各相見坐介。湯人身難得。佛

法難逢。迅速光陰。莫教虛度。今日乃論經之期。彼

此各宜參究。若論女人呵。

鶯棲桂

黃鶯兒

最苦是女人身。在人中五陋形。憂疑驚

恐多災病。

這都是

前生罪根。今生業因。

老怎能脫離得女身去。湯脫

離陋殼。須修証。

大衆無常迅速。當勤精進。

桂枝香

念無常迅速。無常

迅速當勤精進。端心清淨。莫因循。念念心無亂。蓮邦

指日生。

丑啓問師父。既是女人罪重。如何即能往生淨土。

湯你不知阿彌陀佛。有四十八願。願中有持我名號。即生我國。我輩女人。仗佛威力。如舟得渡耳。**湯**

浪淘沙

彌陀極樂尊。至願弘深。但教男女盡持名。

若得一心持不亂。帶業超生。

老師父近來有一等女尼。不好念佛。一心只要學

字念經。賺錢應赴。此人何如。**湯**

前腔

此輩業根深。禪販諸經。無常一到不相應。積

得錢財將不去。罪業隨身。

貼師父又有一輩女尼。口食甘肥。身穿綾綺。老者

說空行有。假作魔頭。少者蘇帽淺鞋。喬粧波俏。哄

嚇婦女。欺壓比丘。此人何如。

前腔

湯八敬未知聞。妄自稱尊。輕違佛勅。必沉淪。減

佛千年。惟正法。都是釵裙。

衆元來如此。我輩那裡曉得。**丑**阿呀。師父還有一

等吾輩。不明因果。不信罪福。終日化緣。肥家利己。

暗與男僧拜乾娘。結姐妹。此人何如。

前腔

此事不堪聞。枉說修行。三塗惡報苦非輕。可

惜寶山空一轉。失却人身。

歸元錄 卷一
汝等身雖出家。未經開示。我有尼訓一篇。須一心諦聽。眾弟子愿聞。湯去聖時遙。女流障重。八敬之法已邈。三惡之風熾然。凡我尼輩。竟入魔瀾。人我相固執不移。鬪諍根慳。纏難化。着鮮衣。吃美食。豈是佛祖家風。論是非。較短長。大非禪門矩範。見他勝事。妬忌千般。守已愚癡。慳貪百倍。更有一羣魔隊。世法裡說。謊瞞天。還有一種盲尼。佛會中打哄。過日。分門別戶。快樂安耽。募李化張。衣食稱意。只圖火燒眉毛。不忖來生頭面。虛消信施。怎報佛恩。不思方袍圓頂。却爲何因。想他供米供油。所爲何事。莫道報施無應。一朝跌倒。披皮戴角。還他自家戒行不修。萬苦交煎。跌脚搥胸。晚矣。趁此無病。閉身。常念一聲佛號。凡塵漸斷。消除五陋之因。正念往生。高證妙蓮之果。豈不美哉。眾多謝師父開示了。

解三醒 今日裡頓聞師訓。也不枉出世修行。尚心淨土當精進。方能殼跳出紅塵。黃蘗淡飯。隨緣應。撒却從前女陋身。心清淨。心清淨。果然極樂標名。

尾聲湯修行要得家鄉信。無始塵心始定。佛一席提携感最深。

湯修行須是各修心 衆感得吾師指示深

湯莫把光陰閑浪費 衆果然一刻值千金

○此一分抉盡尼僧弊病。可為千古箴規。女尼良藥

恩沾化雨分第三十五 小生扮水相公上

臨江仙 奕葉傳芳詩共禮。喜門庭山水環居。

自家生員水心。便是我有契友沈蓮池。他才驅
遷。固文軼瞿唐。一旦撇了功名。飄然長往。這等高
致。豈是吾輩可及。近日雲遊回來。欲覓一深山養
道。山水雖多。無有可其意者。日前引他到雲棲鵝

中。一見歡喜。至今幽棲在內。這幾日為天旱。不曾

去看他。一看好生懸念。此時又要入廟祈雨去也。

奈何奈何。正是浮生空擾擾。終日事忙忙。下末扮

李淨扮王二村民上。李烈日炎炎大地焚。官民晝

夜禱甘霖。田禾處處皆枯槁。那得油然雲霧興。王

觀此景好傷心。苦殺携鋤負鍤人。歲底收成俱沒

望。終須一命喪殘生。末自家李細絲便是。淨自家

王老實便是。老兄。你怎麼叫做李細絲。李。我一生

專用紋銀。故人人叫我。是李細絲。哈。老哥。你怎生

喚做王老實。王。我一生不作半點虧心之事故。此

衆人叫我老實。李。你我是麓村居民。一年止靠得

這一兩畝田。秋後收來。納糧還租。養家活口。不料
 火龍作祟。兩月不雨。各處祈求。並沒半點。怎麼是
 好。王苦介可憐可憐。你看這一派青苗。都晒得焦
 黃了。家中又無餘蓄。一家老小。終須餓死。不如先
 自尋一個無常罷了。李老哥。你不要性急。我聞得
雲棲塢中。有一位師父。只是打坐念佛。像個有道
德的。我們如今。求他出來祈雨。或有法力。也未可
知。王阿爺。那裡虎多。怎麼去得。李却。也怪事。自從
來了。這位阿師。虎都沒了。王有這等異事。必是仙
高僧。快去請他。離此不遠。就可前去。行行。云云。
去。行行李。來此。已是。呀。那不是阿師。來也。連深山
儘日無人跡。何處林間語。咲聲。二位何來。眾弟子
們是楚村鄉民。今日進山呵。

鎖南枝 時遭旱。似火焚。田蕩溝渠盡起塵。草水勢
 難存。禾黍都枯盡。聞師範。道德深。特請禱甘霖。救我
 諸人命

蓮老僧在此。只知念佛。並無祈雨法術。

前腔 深山地。一老僧。只知念佛併誦經。不解禱甘

霖。怎救田禾病。二人哀告介。畢竟要大我真實語。非

誑君乞請轉還家。難奉諸君命。

李我等諸人不求他術。只要大師田塍上念佛便了。蓮若果如此。就與你同出山去。行介

前腔 離草座。同出林。田塍念佛一暫行。禱雨救蒼生。神聖垂慈證。像出山麓。漸近村。此是我田塍念佛求靈應。

李大師這是我田。就與我念起。蓮擊小魚念南無西方極樂世界。大慈大悲阿彌陀佛。三轉回向。介願以此功德普及于一切。所有諸田苗悉沾甘露雨。內起輕雷。介李有些意思。天上發了雷也。王

少尋紫。大師快快替我念念。如前念介。內大霹靂季王躲介。蓮念畢叫介。二位居士何在。季先出叫

介王老實躲在那裡。王在這裡活驚殺。若躲得遲些。照頭一擊。哈。你是李細絲。為何怕雷。李你不知我的毛病。用的細絲。都是假白臉。一生慣用假銀。故此聞雷。心膽皆裂。哈。你是老實。怎生也怕起雷來。王不敢相瞞說。我也有個毛病。還租耑用着水米。買物是竿調鈿秤。鄰舍的鷄鴨兒。上門來的。定是落在肚裡。李好個老實。蓮你二人已後。須要學好。一心念佛。求生西方。眾應介。舍下奉齋去。蓮多謝。不勞罷。虛下。內扮雷公電母行兩介。二人大樂

咲上妙得緊。快活殺。大雨傾盆。水深一尺。你看苗頭兒都活轉也。

皂角兒 這大師法力通神。果然是祈求靈應。霎時間草木皆青。平白地稿苗皆興。雨霽足。泥濘喜。秋收今有準。五穀豐登。佛門靈應。今朝方信。有道真修。龍天護證。

尾聲 如今不必憂苗困。久旱逢霖喜稱心。丑草榻從今方睡穩。

王老哥。我想楚村居民。諒有千數人家。不免鳩集龍來。各捨貲財。共捐人力。造一梵宇。供養這位師父。你意下如何。李極爲有理。就請水相公爲頭。化募起來。不日興工便了。

王 堪羨禪師道德深。李果然念佛降甘霖。
王 各助資財捐衆力。李共成梵宇報深恩。
請建朱橋分第三十六 外扮太守執事從上

番卜算 心同湖水清。身蒞吳山治。風流太守羨坡翁。愧我憂民事。

山光拂檻樹婆娑。署對吳山瑞藹多。麥穗兩岐棠四野。黃堂日永聽民歌。自家杭州太守余良樞。便是武林政務雖煩。喜得歲豐家足。民皆安樂。刑亦

清平。所有城南。梵村朱橋。係通商大道。舊被潮汐衝塌。累年建築。竟無成功。目今往來者。揭衣而涉。溺歿者。不可勝計。行人嗟嘆。觸目傷心。為民上者。豈能袖手。聞得雲棲蓮大師。道高德厚。海內名公。莫不助揚法化。我想此老必能成就此事。今日特設齋。迎請商議此舉。左右。蓮大師一到。即便通報。

應介蓮上

二剪梅

白雲出岫本無心。又被清風引入公庭。

雜通報余相見介余渴仰慈顏未伸私悃幸臨法駕蓬署生輝蓮山野鄙人忘情歲月深蒙檀護殊

獲勝緣余遜席坐介余

畫眉序

久欲識慈顏。未遂微私念。歉然喜慈悲。現

降信非緣淺。愧平生執掌塵勞。何日遂清修志願。合歲華雙跳如飛電。莫忘却本來頭面。

吾師在山中修養。幽曠清虛。必有真樂之處。蓮

前腔

山野別成天。樹響泉聲奏管絃。喜一輪皓月。

白雲數片。

合吾師平日。繞松間佛號千聲。坐石上彌

陀一卷。合歲華雙跳如飛電。莫忘却本來頭面。

余老夫還有一事相懇。梵村朱橋。久被衝塌。潮汐甚大。難以成功。往來病涉。行道傷嗟。我想非有道

高流不能成就。意欲以此橋托師倡建。不知師意如何。蓮夫出家者以利人爲本。方便爲門。砌路修橋。正屬僧家之事。但此舉無論貴賤。每人捐資八分。隨緣而助。便可竣事。外只怕功大施微。恐後來事難結局。蓮施不論多寡。但以得心爲主。心力多則功成不朽。况八者取坤土之義。以土制水。無有不成者矣。

鮑老催 修行本願。施工利物。宜先勸。輿梁功德。吾當建。隨機應。植勝緣。成功便。檀施數。八休教。欠坤維。制水安神。灑看指日橋基墊。

余吾師出言高曠。見理入微。果非凡人所及。

雙聲子 喜吾師。喜吾師。倡建垂方便。勝事成。勝事成。功德殊非淺。結衆緣。結衆緣。心力堅。心力堅。喜功成不朽。萬姓歌歡。

尾聲 外吾師見理真非淺。蓮謝法喜檀齋恩眷。一事功成萬德全。

朱橋水勢洶湧。難以立柱。必須發牒海神。若得潮汐少停一月。方可施工。余全仗大師法力。

蓮 吾師道德洵通神。普濟弘施願力深。
蓮 莫道外緣妨淨土。外功成就卽修行。

潮神請旨分第三十七

小生扮張老相公末
扮伍子胥上

〔張〕波臣職守大江東。烟景迷離水泊空。〔伍〕吳越興亡千古事。至今遺恨咲英雄。自家非別。浙江掌潮大將。伍子胥便是。〔張〕自家英濟侯。張老相公便是。伍大人請了。〔伍〕張大人請了。〔張〕今日大人何往。〔伍〕俺也非為別事。只為雲棲大師。倡建橋梁。頒行牒文到來。祈祝海神。暫停潮汐等因。特此奏明。以便奉行者。〔張〕俺也正為此事而來。事既相同。一併陳奏。同往便了。〔伍〕就此前去。須走一程也。

新水令

浙江洶湧起潮頭。浪奔騰電飛雷吼。推山

排嶽勢。沒日浸天浮。浩渺源流。論此地曾分職守。

步步嬌

〔張〕錢塘自古稱神溜。城郭依然舊。帆影集千

艘。隔岸重重。越山明秀。千古大江流。潺潺瀉不盡奸雄垢。

折桂令

〔伍〕浩然間把往事重搜。恨殺當年一劍吳鈎。

痛鴟夷水面漂浮。棄却忠謀。館娃宮止。翻得殘陽敗柳。姑蘇臺頃變做麋鹿荒丘。淚洒吳州。遺恨千秋。赤瀝瀝俺一片丹心。都做了霧慘雲愁。

江兒水

〔張〕千古興亡局。浮生水面漚。不堪往事重回

首。歡娛已極。生倂憊。雄圖鼎盛終傾覆。成敗何須深

歸元鏡 卷下
究。你看吳越殘棋。到今卽空花非有。

鴈兒落帶得勝令。伍可知道失籌的莫浪憂。可知道得手的休誇口。泛舟的怕歿五湖遊。賜劍的戀爵終無後。呀。到今日名利兩悠悠。羨殺那山水青還秀。何求興與廢。都知透。休休。把雄心一筆勾。把雄心一筆勾。

迤邐行來。龍宮已到。不免上殿奏聞。回扮龍女上來者何神。有何表奏。衆臣等乃浙江潮神爲雲棲大師。啓建橋梁。乞停潮信等事合。

僥僥令

雲棲蓮社祖。有牒向臣投。爲建橋梁。停潮候望吾王定可。便江臣好展籌。

龍。昨普陀大士有旨。龍王早已知悉。正着俺來。宣示浙江行潮將領。所有潮信。不得與駕潮頭。暗行消長。暫停三月。潮勢悉依蕭山南岸而行。如違定罪不貸。衆謹領法旨。龍就煩二位。宣示衆神便了。

衆曉得。龍下合

收江南呀。怎知道普陀護法呵。奉勅旨轉潮頭。自從今大江東去。息奔流。諭波臣且休。諭波臣且休。好教他怒濤。歛却萬功收。

伍海門將領何在。淨丑副老旦扮行潮將上。衆唱

園林好 嘆滄溟洪波巨流。頃刻裡桑田一坵。陵谷變從來古有。難可測鬼神謀。難可測鬼神謀。

衆主帥有何將令。伍張目今那雲棲大聖。爲建橋梁。普陀護法。龍王有占。已後浙江潮信。不得與駕潮頭。暗行消長。暫停三月。潮勢悉依南岸而行。如違定罪不貸。衆應介合唱。

活美帶太平令 勸人生效法修。勸人生效法修。也

須識下場頭。嘆旅泊風光不久留。雲水外好追求。兒女輩莫擔憂。馬蹄崖收韁難救。到江心船難補漏。俺阿羨禪門心投意投。望靈山神遊夢遊。呀。到如今消盡俺虎雄機殼。衆先下。

結尾 修行自有諸神佑。不枉了蓮宗領袖。嘆我輩。水府勞勞甚日休。

伍 普陀護法事非輕 張 水府龍宮奉勅行
莫道修行非勝事 果然念佛衆神欽

竹窻垂範分第三十八 蓮大師上

燕歸梁 竹窻閑坐意清涼。嘆浮世忙忙。可憐忘却舊家鄉。全不想夢非常。

憶昔狂心向外求。雲山幾度謾追遊。自從一得家鄉信。直至如今不出頭。某甲自東昌得個歇處。至

今隨緣。一心念佛。但既已自利。尤須利人。豈可坐視迷津。不施舟楫。今日閑暇。不免將彌陀疏鈔。重訂一番。有何不可。

梁州序

清涼竹院。幽窓寂靜。閑把經文重訂。西皈

極樂。迦文苦口叮嚀。

可嘆世人貪戀紅塵。認苦為樂。茫茫長劫。甘受輪迴。好可憐也。

他只為迷頭認影。背父離家。未有還鄉信。

因此我佛世尊說彌陀契經。大開方便。教他持名歸去也。莫因循。只在當人一念

純。

合瑠璃地。纖塵淨。感西尊。時刻勤招引。休辜負。至

人恩。

日前曹魯川曾有書來說念佛法門。乃愚夫愚婦所為。何有智人。甘此鄙事。咳。如此魔見。大是可嘆。

還可憐愍者。

前腔

他魔心僻見。觀天坐井。怎識歸元捷徑。彌陀

悲願。弘通普攝三根。

普賢菩薩以十大願王導歸極樂。韋提夫人以端心安養上品

往生。其中多少聖賢。難以枚舉。

他洵是華嚴長子。佛母夫人。多少諸

賢聖。都皈心安養國。敢相輕。是方便門頭最上乘。

合

瑠璃地。纖塵淨。感西尊。時刻勤招引。休辜負。至人恩。

作檢書介。這是我戒疏發隱。這是禪關策進。這是

我隨筆。這是二筆三筆。皆已詳悉。不須再訂。小旦

扮侍者上。鐘聲欺鳥語。檀氣壓花香。自家侍者便

是向者大師所選諺謨曲典。眾居士欲刊木流通。今已刻就。不免呈上。稽首介稟大師。諺謨曲典。今已刻就。在此。蓮看介到也。刻得精楷。侍啓問大師。何爲諺謨。蓮諺者方言。謨者訓範。古今市井俚言。頗寓箴規至理。奈世人習矣不察。都輕忽過了。

前腔 聽問閻世諦云云。蘊一部規箴古訓。奈提撕覲面。尋常蹉過家珍。謾饒有聖經賢傳。錦字瑤篇。怎療得盲聾病。爭如時諺也。入人深。細味開評最有情。**合** 瑠璃地。織塵淨。感西尊。時刻勤招引。休辜負。至人恩。

侍諺謨之旨。已蒙大師闡揚。曲典之名。敢求慈悲開示。**蓮** 你不知排場戲曲。原是詩雅遺音。爭奈世人。裸以穢褻淫詞。祇供壺觴咲謔。怎知道那忠孝節義。感慨悲歌。感人最切。况南閻浮提。以音聲作佛事。吾今曲而典之。正是先以欲鈎牽。次令入佛智。方便中之巧施也。**侍** 大師。這個方便。果然最妙。**前腔** 發清機。天籟佳音。喜節奏賢愚樂聽。况孝忠節義。古今風化全憑。**蓮** 切莫隨情逐妄。咲謔壺觴。恣作歡娛柄。**合** 陽春白雪句。好怡情感慨悲歌。最動人。瑠璃地。織塵淨。感西尊。時刻勤招引。休辜負。至人恩。

侍啓問大師如今設有排場伎樂我輩可觀聽否
 蓮假使以出世間正法化導有情觀亦何害侍爲
 何原故蓮若是排場不可觀則書史亦不可觀矣
 書史者以言載事排場者以人顯事其意同也侍
 噴聽大師這般說起來可見役役浮生都是一場
 戲局若能感悟卽戲成真若不行持雖真亦戲可
 見真戲融通本無定法只在當人迷悟耳蓮你也
 說得極是這是華嚴無礙境界汝亦窺見一斑侍
 節節高 浮生一幻身莫迷因真真戲戲原無定蓮
 須取正順世情隨緣應休教誤入迷魂陣人身一失

難重訂

旅泊由來一戲場散場歸路君須認

前腔

蓮斜陽逝水傾轉憂深歸元未有傳燈信侍大

須憂慮我想有此彌陀疏鈔則徧界皆燈薪傳無盡矣這是迷途鏡閣室燈還

家近渾如良藥消迷性燈傳大地應無盡合惟愿流

通正法門人人盡入蓮華境

尾聲

持名正念須精進侍浮世光陰一瞬蓮普愿

淨土同行觀至尊

蓮竹窻閑坐繹餘功

深念傳燈未普同

侍疏鈔發明垂萬古

燈燈相續在蓮宗

○以疏鈔當傳燈此千古慧見復將真戲互融破彼

小乘法執全部局面此一分收完。

雜扮道人上

普濟幽魂分第三十九

旃檀香藹瑞烟橫。寶炬禪燈晝夜明。規約清嚴人世罕。直教海內盡傳名。自家雲棲寺道人便是。自大師開山以來。道俗歸心。宰官護法。如今會下三百餘人。天下叢林。此間第一。日前大師為年荒歲歉。疫氣盛行。啓建水陸道場。七晝夜。今晚圓滿。大師自臨法座。濟拔幽魂。着俺鋪設壇場。今料理已畢。想此時將臨座也。蓮上老旦副淨扮二僧白文

蓮上

粉蝶兒

座聳雲霄。列寶炬九幽齊照。痛三塗劇苦

難熬。拔沉幽。超苦溺。令六道亡魂都到。今日個津濟也煞甚逍遙。再不受貪嗔癡冥途業報。

睡春風

真可嘆世間人。衣食苦。利名焦。把一個斷

線枯骸戀阿嬌。怎曉得一朝夢醒影兒消。好苦也黃泉路。隻影蕭蕭。舉目無聊。風流豪氣。到此際只落得一塲悲悼。

某甲深悲幽冥苦趣。莫能救援。為施瑜伽。嚙口普

濟孤魂。俺只索自臨座者。內鼓樂行香畢。上座

香燈寶座列層層。普施瑜伽大法門。召請十方賢聖

衆咸臨此會度幽魂讚

南無雲來集菩薩摩訶薩

三稱

登瑜伽之座。六度齊修。開濟物之門。三檀等施。法不孤起。仗境方生。道不虛行。隨緣卽應。阿難習定。事非常。夜見巍巍一鬼王。聲似破車。喉似線。面然大。士降壇塲。唵啞吽。三稱內扮鬼王。城隍土地。繞塲對法師作禮立介。蓮某甲爲憐幽冥之苦。薦拔十類孤魂。凡面然所統。侯王將相。三教九流。士農工商。佳人才子。併一切水火漂焚。懸梁服毒。九橫瓜鬼。比夜令時。具端法會。鬼王復作禮繞塲下。二

白文同蓮嘆介

嘆孤調

國士朝官。宰職文臣。類濟世匡時。未遂忠

良志。失寵懷憂。罷職身憔悴。去國遊魂。來受甘露味

內扮朝官對法師作禮合掌立嘆完側立介

前調

武將戎臣。勇奪三軍氣。結隊交鋒。鑼鼓喧天

地。北敵南征。失陷沙塲內。爲國亡軀。來受甘露味。

內扮將軍上如前式立介

前調

紅粉佳人。生長在深閨內。粉面油頭。粧點得

嬌嬌媚。夢斷羅幃。年少拋夫婿。怨恨幽魂。來受甘露

味。

內扮女人上如前式立介

前調

馬踏車傷王法遭刑輩鬼擊天誅自勿懸梁
縊水火漂焚虎咬蛇傷類九橫孤魂來受甘露味

南無蓮池海會佛菩薩

三稱

內隨意扮傷亡上如前立介鐘鼓畢蓮擊案介眾

魂轉身對師合掌立介蓮汝等佛子眾得至道場
中至心皈依三寶所有罪皆滅皈依佛皈依法皈依
僧皈依佛法僧已竟我今施汝甘露法食令一切
飢虛悉皆飽滿唵穆力陵娑婆訶三稱施法食介

眾魂搶奪下蓮

罵玉郎犯上小樓

慾海翻波業浪高那泥犁苦痛

怎熬茫茫長夜歲迢迢罪難消焰騰騰烈火焚燒可憐

那餓鬼呵苦飢虛叫號苦飢虛叫號怎當他定業難逃我

傷心淚拋我傷心淚拋不由人悲心懊惱頓起我度
生懷抱因此上普濟瑜伽因此上普濟瑜伽好教他
脫離苦海頓馭雲輅兜率宮安養國倏爾高超庶不
負大悲心如來密教

我今入觀默誦真言助汝往生者觀音領眾魂走

唱介

僥僥令

無邊諸惡造劇苦肯相饒今日須臾提掇

歸元鏡 卷下
起。出三塗。上九臯。罪千般。一筆銷。

觀高立介。你看大師。入慈悲三昧。現滿月威儀。汝諸佛子。可曾見否。眾。我等罪根深重。有眼如盲。不能得見。觀待我拂開業障。令汝見者。拂介。眾。果然。大師好滿月相也。眾。

收江南。呀。看大師現形滿月呵。殊勝相果高標。光中閃爍現金橋。觀汝等仗此慈航。脫離苦海。好做倖也。眾。方知淨土總非遙。

拜蓮謝吾師道高。謝吾師道高。頓教我慈航普度。出波濤。

蓮出觀介。揭諦揭諦。波羅揭諦。波羅揭諦。菩提

薩婆訶擊案介。汝諸佛子。要知你造罪根本麼。眾。點頭介。蓮。罪由汝心起。心空罪亦亡。心罪兩俱空。是名真解脫。白文合。唵。嘛。呢。叭。彌。吽。十稱。觀音作接引。過橋介。過畢。蓮擊案。眾作騰雲昇天。下。瑜伽功德。普濟已周。恩沾沙界。和南聖眾。插鼓三通。下

臺蓮

甘露飲帶太平令。從自性識根苗。沉溺苦。悉高超。罪業因緣一筆消。脫桎梏。証逍遙。登雲路。上金橋。觀彌陀。同生極樂。証無生發明心要。破無明。永除煩惱。俺呵。這其間。魔消障消。蓮臺上名標。姓標。呀。方顯得

施瑜伽。度生微妙。

某甲一期已畢。諸愿已周。明日吾當西歸。早已分付。請城中護法。交點遺囑。曾去請否。**內**已請下了。八十年來願已周。生期報盡。豈堪留。

莫將老實門風改。

一句彌陀萬事休。

頌囑西行分第四十

小生扮宋末扮徐巾服上

戀芳春 宋趨命吾師。想付囑雲棲後事。**徐**斜陽帶晚。忙來至。馳驅怎敢遲遲。

宋自家宋化卿便是。**徐**自家徐裕湖便是。相見坐。**介**宋昨日大師有命。召我等入山。再頒遺囑。不知有何緊要。不免展視一番。共看介。

一封書

遺囑再重施。十二位當前居士知。我老病

實難支。逝水殘陽頃刻時。恐有將來魔眷等。紊亂僧規。未可期望。望護持。合力誅。力疾和南伏枕時。

宋我想大師慮事精詳。洵非凡人可及。恐別有遺言。分付。不免同到方丈。再候慈示。意下如何。**徐**小弟正欲如此。同去便了。欲施檀護力。**宋**頻候至人言。虛下蓮上。

張瞻宮

枯骸將散西歸去。再囑累傳燈心緒。

平時發願往生。今日神歸安養。不違本誓。吾願足。

矣。但只慮沉溺衆生。無由普濟。因此悲念未酬。轉展放心不下。所有彌陀疏鈔四卷。吾一生心血所寄。以續蓮宗一脉者。必須面囑一番。庶可放心西去也。宋上竹影搖禪榻。徐松烟遶藥爐。稽首介宋衆等聞師不安。人心惶懼。雲棲後事。大師可再有分付否。蓮我也別無他慮。所著彌陀疏鈔。實乃淨土慈航。傳燈正脉。當令普利羣生。不可斷絕。在大衆只宜老實念佛。莫換題目便了。內鼓樂長幡外扮彌陀上宋爲何此時異香滿室。徐呀。爲甚此時天樂盈空。蓮汝輩不須驚訝。我佛垂慈。來接引也。衆弟子們爲何不見蓮汝肯一心見佛有日佛介

清江引 彌陀一句心無倦。無上殊方便。天樂現金身。遂却平生願。勸諸賢。早修行。歸去轉。

蓮隨佛鼓樂下。內扮如蓮倚桌介徐宋叫介呀。大師竟圓寂了也。悲介我那大師。

孝順歌 我心悲悼不自持。何忍飄然長別世。迷津舟楫更誰施。五雲彩散難留住。咳。大願滿竟西歸。慈範何年會。痛吾儕。失所依。一度追思。一度裡頻垂淚。

宋我想去歲孝義庵庵主已歿。今歲大師又復西行。哲人云亡。可勝嘆息。

五供養

芳規誰繼。他念淳淳。囑託雲棲。

徐監院之事。大師曾

定人

說修持須解行。

徐若無解行之人。如何處置。

戒次且姑依。

吾師仔細。他事周全。超然入微。

宋我想彌陀疏鈔。真是迷津寶筏。傳

燈憑疏鈔。大地悉皈依。徧界流通。薪傳無已。

如今怎麼治喪。宋大師分付。不許披麻帶白。炤常

規式。所有衣鉢。盡行作福。徐咳。我大師真聖人也。

宋眾師齊來。把大師擡入法堂裡去。眾擡入介。

宋分明古佛暫臨凡

徐古德芳規未易攀

宋若問吾師真實處

徐前三三與後三三

彌陀接引分第四十一

內細樂。老旦扮觀音。挑楊枝淨瓶。末扮勢至。執蓮花。外扮彌陀。托鉢引蓮池。同上雲兜。如無雲兜。上高臺。亦可。佛唱。

北端正好

入婆婆勤接引。是當年俺大願圓成。彈

指間安養。看看近寶地。琉璃淨。

滾繡毬

佛看清奇眾鳥飛。琳瑯天樂鳴。舞天花。旋空

成陣。踏瓊瑤。步步無塵。看輝煌。五色蓮。玲瓏七寶林。

一層層把金堦登盡。

內先細樂次清江。婆婆眾苦誰

時了。煎熬釜內魚。况復籠中鳥。勸世人早回心。歸去

好。又西方。樂誰人曉。永斷諸煩惱。高超非想天。况

復蓬萊島。勸世人早回心。歸去好。又作細樂介。蓮此

歌係弟子翠竹山房所咏。為何流傳淨土。佛善男子。你

知道。因該果海。果徹因源。你那裡歌咏勸揚。俺這

裡宣流接引。正如空谷傳聲。干江映月。不隔一線蓮

歸元竟

卷下

七

聽如來金口所宣頓得無生法忍。入不動地。止聽得樹林中妙法宣音。金風拂體披襟爽。法化宣流入耳清。永證無生。

蓮念佛作禮介佛善男子。你看眾菩薩俱來迎也。倘秀才。眾菩薩從來清淨。諸佛子無邊苦行。這的

是福德因緣報所生。料此中無別客。都是些大士與聲聞。享無窮壽命。

善男子。若人生此土。永除煩惱。即得無生法忍。皆得不退轉于三藐三菩提也。

滾繡毬。須識得煩惱從今斷。無明永生還最初。本來清淨。那世間。眾生可。都執着幻相根塵。狂將妄想施隨

塵造業因。累生兒墮貪嗔癡窠。怎出得苦海迷津。呵。正是一念功成提掇起。千生萬劫不沉淪。出類超羣。

佛善男子。你須知那釋迦如來之恩。便粉骨碎身也難報答。

倘秀才。最難報迦文重恩。大悲腸度汝迷情。五濁

淒涼不忍聞。他苦口頻申勸。是隨方療病根。那前面所了。接我與你同入那寶所安身。內照前鼓樂。將雲蓮手芥。雲兜。用雲旗遮下亦可。

同生安養分第四十二

生扮遠公。小生扮永明。上品菩薩粧飾。外扮劉遺民。淨扮高麗國王。旦扮王小妹。小旦扮湯娘子。中品羅漢粧飾。六人俱童男像。齊上。分唱。

卜算子。遠累劫漫勞形。永一旦諸緣淨。高可喜心珠

自在圓。湯穩待菩提證。

白我乃廬山遠公是也。白我乃永明禪師是也。白我乃

我乃劉遺民是也。白我乃高麗國王是也。白我乃

王小妹是也。白我乃孝義庵祿錦是也。衆念佛相見圓禮介。

白只因我與永明大士精修淨業。決意西歸。白

利利他。隨方化度。已於紫金臺上。上品上生。當年

蓮社中。劉遺民等一十八人。並高麗國王。王小妹

孝義庵祿錦。各得念佛三昧。已於金華銀臺。中品

上生。所有剃度師長。及本生七世父母。並九族人

等。俱得生天。永享無窮快樂。這也不在話下。遠向衆白

諸上善友。吾輩蒙彌陀如來。垂慈接引。來生樂土。

同證無生。永登不退。實乃億劫難逢之勝緣也。衆同

應正是吾輩真好慶快也。衆同唱

八聲甘州。天花搖太空。散香風亂舞。飄灑掀騰。聲

聲天樂。頻衍無字真經。塵勞至此。靡不清證。不退菩

提。法慧生。堪幸。想閻浮處處傷情。

白遠今因近代宏通念佛法門。雲棲大師。傳燈願滿。

已蒙三聖接引。怎的不見到來。內作細樂科。遠呀。公向內望介。白呀。
你看彌陀如來。與觀音勢至。一大菩薩。接引雲棲
大師來也。我等且向寶池等待者。下

雜扮孔雀。白鶴。共命鳥。臺上垂鸚鵡。舍利鳥。迦陵頻伽鳥形。內作細樂。衆鳥在臺前口舞。臺中張雲幕。外扮彌陀。老旦扮觀音。末扮大勢至。雜扮九品往生。菩薩。羅漢。天童數人。並遠公。永明。劉遺民。高麗國王。王小妹。湯娘子。俱暗上。佛坐中高蓮座。觀音勢至。坐傍二蓮座。其餘皆分立兩傍。高臺上。臺正中設一大蓮花。生扮蓮池。改童男像。上品菩薩粧飾。在蓮花內向外跏趺坐。將蓮花合上。畢。前場舞鳥隨下。撤雲幕。阿彌陀佛唱。

北新水令 十方佛土願莊成。不空空是真如性。兩
幽真俗諦。不落有無生。寶筏金繩。極樂邦。堪尊勝。

佛國土莊嚴攝有緣真空法性本如佛。衆生但持
吾名號。直下圓成池上蓮。我乃樂邦教主。接引導
師。阿彌陀如來是也。我及十方諸佛。與法界含靈
本來同一常住真心。量周沙界。無奈衆生。迷頭認
影。昧却本來。以至長劫沉淪。迷而不返。至感佛心
無緣大慈。回憶我於往昔因中。曾爲國王。捨國出
家。皈依世自在王如來前。發六八宏願。於是久經
長劫。廣修萬行。攝取清淨國土。普度十方衆生。俾
令持吾名號。無論菩薩聲聞。人天異類。咸皆來生
我國。永得不退菩提。至今三輩九品。來生善信。數

逾河沙。近有娑婆世界。釋迦文佛。像法之中。匡廬上人。首闢蓮宗。六時行道。永明大士。兼修禪淨。萬行莊嚴。二人皆是宏通念佛。普攝三根。自利利他。廣修六度者。已於紫金臺上。上品上生。其蓮社中。劉遺民等。一十八人。並高麗國王。王小妹。孝義庵。祿錦。各得念佛三昧。皆於金華銀臺。中品上生。所有剃度師長。皆生兜率天宮。其本生七世父母。並九族人等。俱生忉利天宮。正所謂。自是不歸歸便得。故鄉風月有誰爭。佛以手指蓮花介白。大眾試看。娑婆世界。閻浮提中。宏通念佛法門。雲棲上人。已來生我國。於上品上生。即證無生法忍也。蓮花遂開。蓮池在蓮花上合掌。

白南無阿彌陀佛。蓮唱

南步步嬌。累劫三塗遭報重。妙果今方證。諸緣付了空。仗我佛慈悲。隨聲感應。特放大光明。提出千尋

阱。隨唱。蓮池向上合掌。

白南無阿彌陀佛。五體投地一拜。向左念。南無觀世音菩薩

五體投地一拜。向右念。南無大勢至菩薩。五體投地一拜。起向上跪。白。弟

子蒙如來。及二大菩薩。垂慈接引。得生樂土。此恩此德。歷劫河沙。萬一難報。蓮池復五體投地一拜。跪。佛白。善男子。

你且休得感謝吾恩。更須知那釋迦如來。誓取五

濁惡世。化度剛強衆生。悲願宏深也。

佛唱

北折桂令

念迦文恩德非輕。向淒涼惡界。去度拔

迷情。抵多少暮鼓晨鐘。諄諄戒飭。苦口頻仍。這的是

超凡捷徑。一同歸入聖真宗。

佛白。汝等若非彼佛開示化導。焉能來生我國。

佛唱。令汝等執持吾名。心地清寧。成就你不動如如。到

得這不昧惺惺。

蓮白。南無阿彌陀佛。弟子怎敢忘却。

起復向兩傍合掌頂禮。白。弟

子頂禮清淨海衆。諸上善人。

衆俱合掌問訊。白。

南無阿彌

陀佛。遠白。雲棲善友。你可記得。五百年前。受囑事麼。

蓮白。弟子三際了然。無復障礙。蓮左右頂。弟子蒙吾

師垂慈。開示化導。此恩德萬一難報。白。正是現前一

會皆師友。

衆白。都是當年發願人。

遠。承。劉。高。王。湯同唱。

南江兒水

既荷佛天佑。初來寶所中。看他威儀自

是根於性。妄逐明消迷。自醒。居然同我真如境。

遠白。我等

同生安養。實爲大幸。只這一乘究竟。還須同乞。百尺

我佛開示。遠等七人同向佛五體投地一拜。唱。百尺

竿頭難定。轉進功夫。同乞慈恩開警。

佛白。善哉善哉。此乃如來未發密藏。能見及此。終成

無上乘。吾有一偈。汝當諦聽。白。若人欲了知。三世

一切佛。應觀法界性。一切惟心造。白。那向上一着

究竟何如。咄。

佛唱。

北雁兒落帶得勝令

也不須磋將兔角成。也不須

纏得龜毛淨。也不須常挑澗底月。也不須巧弄風前

磬。呀。須知道法性本空平。到頭來諸佛是塵一星。本

如如常寂光真境。應感現同居實報通。真誠與爾等

安心竟諦聽。這的是如來最上乘。

蓮唱

南僥僥令

初來安養境。更進一重重。聽妙旨元音

親宣誦。傳與閻浮利眾生。

佛白大眾爾等得生我土。何等慶幸。那沉淪六道。一

切眾生。真堪憐憫也。

佛唱

北雁兒落帶得勝令

嘆他每壽夭兒直恁輕。嘆他

每名利兒心空用。怎如把莊嚴淨土修。怎如依般若

空王令。呀。有多少天樂梵音清。有多少天花自在馨。

未了的十聖猶迷聖。得訣的三乘卽一乘。行行不外

那如來境。匆匆休離這寶所繩。

衆唱

南僥僥令

浮生原不定。聞者便登程。漏盡難呼彌

陀。應早向這蓮花界裏行。

佛白大眾諦聽。佛身充滿於法界。普現一切羣生前。

隨緣赴感靡不周。而恒處此菩提座。十方世界三

有衆生。但能持吾名號者。吾當一一接引也。

佛唱

北沽美酒帶太平令

念彌陀自有情。念彌陀自有

情歸去也。一心清。猶恐執迷不肯行。親指與路分明。回頭岸蓮那俄頃。遍法界金光相映。辨蓮臺千千遙等。備接引朝朝引領。俺呵。還嘆那胎生。卵生。更有那濕生化生。呀。惟願取度脫得個干淨。佛下蓮座衆隨圍繞衆唱

南慶餘

彌陀一句真捷徑。直得超凡入聖中。惟願

衆生着力行。

同下。後場齊稱南無阿彌陀佛

三祖因緣事事真

一番拈出一番新

當場幻相皆真相

入耳歌音卽法音

一莖草 丈六身

切莫隨流認戲文

若能珍重回頭去

便是蓮宗會裏人

愿以此功德

普及于一切。上報四重恩。下濟

三塗苦。若有見聞者。悉發菩提心。盡此一報身。

同登極樂國。

十方三世一切佛。諸尊菩薩摩訶薩。摩訶般若

波羅密。

總評

趙龍之殺。以積惡滅倫所致。非爲首舉殺也。至死猶不知罪。誣告反坐。其苦自招。宜哉。世人所畏。惟閻王。而閻王頂禮。惟是莊嚴淨土之衆。明則人豈可不勇猛回頭。一心念佛。求生西方乎。

○許自新見地獄之苦。一聞陽間即發出世太
心。乃云。我決意要了明生死大事。即便棄家。如
此鐵漢世所希有。○道傳海外分。不獨高麗王
棄位出家。卽行人官亦非凡品。所爲善人俱會
一處也。○許公一受遺囑。即便立化。當是精進
勇猛心所致。洵非諸人可及。○大勢至菩薩。是
念佛領袖。其中言語皆結上起下。要緊的接脈。
切勿視爲緩局。○一切佛祖出家。各有時節。因
緣。今烹茶碗裂。是時節已到。就機觸發耳。○此
筆勾。是大師親作。勾却遂此出塵。今特拈出以
見祖師心腸。早已打掃乾淨。○搜山分中。從虎
發譚。五種人該吃。是譚中發勸。怕老婆也該吃。
又是勸中發科。至于父母也不孝了等語。又是
科中發勸。我見你跪在你那娘娘面前。又是勸
中發譚。下場正如陽羨書生。幻不可測。觀者莫
作等閑看過。○東昌發悟分。是一則實案。公據
其中魔佛互混。非到家人不能知得。○大師病
于白下。其事杭人皆知之。若不拈出。反失真蹟。
雖欲隱惡。不可得也。○大師因緣。却從祈雨而
起。可見龍天推出。與強出頭者。大是不同。○朱

橋之建。太守啓請。每人施銀八分。每椿大悲一
 呪。皆是實事。至于潮神請旨。普陀護法。俱是真
 理。何也。憨山云。錢王以萬弩射之。而不却。吾師
 以念佛呪之。而息波。噫。異哉。大師以大悲故。發
 愿普濟。救拔幽魂。故座上現滿月之相。以致大
 士稽首。與今之逐蠅頭。而了故事者。天淵隔矣。
 何得以瑜伽鄙之。○再頒遺囑。是大師條理精
 密處。○彌陀接引。是大師不違本愿處。此分內
言言警發。極醒人意。○同生極樂。切勿視為奇
 持。人人可生。只在一心不亂。

異飭淨土傳燈歸元鏡三祖實錄卷之下終

淨土傳燈歸元鏡跋

諸法三昧。其名甚衆。功高易進。念佛爲先。故世尊圓
 機授道。直指西方。蓋淨土一門。豎超三界。橫截五道。
 一得往生。不受後有。直臻無上。菩提也。盡大藏中。八
 萬四千法門。無如此簡要直捷。奈密織癡網。淺智之
 刃。莫揮。故佛見是利衆生。若盲良。可痛悼。洎蓮宗諸
 祖。現身說法。生彼者無量無數。而廬山永明雲棲三
 老。其最著者也。吾師不避疑謗。設異方便。搜三祖傳
 記。演爲實錄。一時遠近見聞。翕然傾動。真如時雨溥
 潤大地。諸人佛性。悉得發生。可謂擲出龍宮之寶。遍

給羣生。匪宿緣之有幸。豈得遇于斯因。但當諦信。無恣口業。間有喜談理性。厭聞事相。豈知真心。圓裹太虛。一切依正報相。皆吾心現量所具。若真理性洞明。當知事外無理。相外無性。苟諸緣放下。一念萬年。本性彌陀。復何遠哉。或以真實妙諦。不應開此如幻法門。經云。但有言說。俱成戲論。一切幻相。悉皆空寂。身從無相中受生。猶如幻出諸形像。假音聲作佛事。正是以幻覺幻。凡諸遊戲神通。總成一行三昧。從此發真歸元。不爲幻相所惑。卽是觀第一義。就令下根見解。一句染神。早植淨因。甚或謗誹。一落識田。已含智

種。矧茲五濁惡世。四面火焚。惟佛一人。力能救援。三根普攝。妙難思議。故羣經森列。偏讚西方。用宜深信。生大歡喜。佛說難信之法。洵能篤信勿疑。是人甚希有。過于優曇華。今我心大師。悲劫濁之方殷。傷邪見之刺謬。將醍醐上味。侑以清歌。如甘露灌頂。徹骨清涼。論事相。則懺六根。雪三業。究宗旨。則空萬法。了一心。聲聲演出無生忍。句句全談理事足。俾見聞隨喜。盡忻寶所。一切有情。借臻壽域。共報佛恩。說如是法。名真寔慈。正是法音。直指歸元路。慧鏡高懸。照古今。

見聞諸仁者

畢發菩提心

盡度一切衆

咸入蓮華藏

乾隆甲辰秋九月重刊板存西直門內龍王廟

問答因緣

問。師何發心。搆茲實錄。答。從悲心所搆。一切有情。皆當成佛。因迷五欲。貪戀執着。流落他鄉。輪轉受苦。今就他殼。色欲中。引其信受。正使就路還家。極爲省便。憫一切故。○問。歸元鏡何門所攝。答。淨土門攝。以淨土中。水鳥林木。皆演法音。故問。內中所屬何義。答。是權巧化導。屬乎方便。又係大乘了義。不類二乘有漏。以念佛必成佛。故放生具大慈心故。○問。歸元鏡。畢竟名戲。何

成祖錄。答妙理圓通。切莫擔板。若滯境守愚。亡失方便。終落二乘外道。所以祖師云。盡十方界。是一戲場。諸佛出世。皆同影現。總明無一實法。與人。皆是黃葉止啼。權巧方便。遊戲三昧。如寒山拾得。布袋蜆子諸聖。皆截斷聖賢藤索。掀翻佛祖家私。打破蓋瓮。別開生面。是以機用方便。而遊戲者。至於普門大士。或現男女僧尼。或現宰官妃后。或現餓鬼修羅。或現畜生地獄。隨類度生。不拘繩尺。是以大悲方便。而遊戲者。種種

方便。窮劫難述。故須識祖師機用。具普門手眼。方知歸元鏡消息。汝輩當求法慧二眼。高枕虛空。正好看大地衆生演雜劇也。○問歸元祖錄。是虛是實。答。非虛非實。何以故。若詮體。則纖塵不立。故非實。詮用。則萬法森羅。故非虛。今歸元鏡者。或顯理。或顯事。或事理互融。或真妄兩顯。雙收無礙。不離體用。故云非虛非實。○問。用何三昧。得成歸元妙義。答。有五種因緣。和合成就。一佛法。二世諦。三文字。四音律。五通俗。缺一則

不可。何以故。缺佛法。則不成祖錄。缺世諦。則宛成杜撰。缺文字。則語言乖舛。缺音律。則磬調不和。缺通俗。則流通不遠。故必須五緣和合。成此方便。○問。歸元鏡具幾許功德。答。其功德不可思議。譬人以大千七寶。持用布施。所得功德。不及萬一。何以故。世財布施。屬有漏因。念佛往生。證無漏果故。若論權巧弘法。方便利生。卽緣覺。聲聞。亦當避地三舍。○問。能演之人。與所演之處。果能生福否。答。福利甚大。所演之地。卽成道

場。能演之人。究竟成佛。何以故。以如來威神。三祖願力故。又能存者獲長壽。增智慧。釋病苦。故亡者拔業障。出三塗。獲往生故。○問。歸元鏡有發心信受者。蒙幾許利益。答。發心皈向。根器不同。約其因地。畧有五種。一者初地見聞。感動慈念。隨卽戒殺者。得歸元鏡之毛。二者見聞發心。歡喜生信。隨卽持齋。放諸生命者。得歸元鏡之皮。三者淨心隨喜。生難遭想。深信因果。朝夕念佛者。得歸元鏡之肉。四者深心淨信。脫離世緣。

厭娑婆苦。一心念佛。求生西方者。得歸元鏡之骨。五者見無所見。聞無所聞。契自性彌陀。了唯心淨土。一脚踢開三祖燈光。一槌擊碎歸元鏡影。竿木隨身。逢場作戲。拖泥帶水。方便提携。遊戲中現寶王刹。微塵內轉大法輪。若此者。得歸元鏡之髓。蓋惟得髓。方稱歸元之本懷耳。噫。微斯人。吾誰與歸。

客問決疑

有客問於懶翁曰。師所作歸元鏡。誠足以悅目警心。然諸善士。每每竊議。以爲大乘教典。曠代禪師。編入戲劇。暢演高歌。酒肆淫坊。壺觴咲謔。褻聖慢賢。莫此爲甚。予亦惑之。敢請果爾否耶。翁曰。然。誠有是言也。然此輩。初心起信。法執未融。但知奉佛。不知報恩。固守常法。不識方便。無怪其疑且毀也。而孰知弘法利生。正所以報佛恩故。巧設方便。正所以弘利生故。今拈爲排場者。正借彼幻人。顯諸實法。投其所好。引彼見聞。使其發心念佛。求生淨土耳。如維摩經云。先以

欲鈎牽。次令入佛智。正爲此也。故云歸元無二路。方便有多門。客曰。其如不信者多。而皈向者少。奈何。翁曰。三藏十二部。皆金口所宣。人人能奉持否。法華會中。尚有五千退席。安得使人人皈信。但于不信衆生。植其因。投其種耳。何以故。不信之人。大都耽于聲色名利。豪縱淫騁。流連一生。佛法名字。沒世不聞。三寶之地。足跡不至。亦不知孰爲彌陀。孰爲淨土。沉沒苦海。大可悲憐。故此實錄者。正富貴場中之荻渡耳。假此方便。誘其見聞。一歷耳根。永爲道種。正如彌陀疏鈔云。或信或疑。或讚或毀。知有彼佛。便成善根。多劫多生。俱蒙解脫。今歸元鏡者。亦復如是。但使見聞者。知有彌陀可念。有淨土可生。無論信謗。已投種子。土雨露所滋。多劫多生。必蒙解脫。但不聞不知。則不成種。嗟乎。闡揚淨土。十方聖賢。歡喜無量。卽三祖復起。亦必歡喜無量。肯嫌爲褻慢耶。况佛法徧一切處。斷不遺于戲場。菩薩度一切人。決不揀於淨穢。此不嫌褻慢之明徵也。其以爲褻慢者。皆常人二乘之見。自心疑懼耳。於佛祖何有噫嘻。設使有褻慢之罪。予當其辜。使人人念彌陀而生樂土。予雖入地獄。亦歡喜無量矣。何懼之有。善男子。莫生疑惑。如永嘉云。若以

妄語誑衆生。自招拔舌塵沙劫。予亦如是。若以邪法邪心。誑惑世者。亦墮拔舌泥犁。如不爾者。願如來加被。仗佛威神。當令世世流通。見者聞者。皆覲彌陀。讚者毀者。悉生安養。客乃大悟。稽顙而作偈曰。

我初疑爲劇。不識爲方便。佛見與戲見。交構于胸中。罪業宛然生。都從自心起。今聞師所說。如夢方始覺。世出世間事。皆同戲幻等。但取救脫人。卽成無上法。譬如醫病人。但取能愈病。遲速不同倫。不問藥貴賤。歸元亦如是。借幻而逗機。但植淨土因。何有法非法。我今深奉持。讚嘆莫能盡。客踴躍歡喜作禮而去。

歸元鏡規約

一此錄專修廬山永明雲棲三祖。在俗以至出家。成道傳燈實行。其本傳塔銘外。不敢虛誑世俗。一此錄本願。專在勸人念佛。戒殺茹齋。求生西方。以三祖作標榜。分分皆實義。切勿隨例認戲。但名演實錄。若不以戲視者。其功德無量。

一此錄情求通俗。上而慧業文人。以至稚童幼女。使無一不通曉。故一切深文奧義。不敢贅入。

一此錄皆真經真呪真法真理。真祖實事。真心發願。借人顯法。權巧化導。故曰實錄。隨喜者詳之。

一此錄於祖師法諱。或俗名。皆不敢直呼。但曰某甲尊法也。

一此錄不曰傳奇。而曰實錄。不曰齣。而曰齣者。以此中皆真諦。非與世俗戲等故別之。

一此錄皆佛祖菩薩。萬勿使彼立演。觀古人爲尸之意。益當敬信。如勢有不可者。寧勿演可也。

一觀聽諸善人。宜坐兩旁。當正心凝慮。靜念隨喜。觀畢。當效法先賢。一心念佛。求生西方。

一搬演諸善人。當如親身說法。宜齋戒正念。此名以法布施。較之以財布施者。等無差別。

一演法主人。當誠心肅念。香燭列供。如說法等。不得設葷餚茶食。方可清演無量功德。

一此錄演完。不得找雜戲一齣。以亂正法勝心。在演法者。亦不得稍去一分。以失祖師真蹟。

一此錄分四十二分。取華嚴經四十二字母之義。其中曲白皆本藏經語錄。演法者。切勿以私心臆見。攙入俗語。混亂佛法。後必遭報。慎之。

一此錄皆大乘方便。絕不同目連王氏等劇。故曲皆佛法。最喜雅調。摸寫。介白清楚。低昂激切。使人一見感悟。回心。不在事相奢華。跳舞繁冗。萬

勿增入紙劄火器。粧點醜局。反涉惡套也。

一善男信女。歡喜助資。搬演流通者。現生福壽雙隆。沒世必生淨土。

一此錄發願利生方便說法。仰報

佛恩。併酬祖意。未嘗輕以臆見邪法。惑亂四衆。幸諸善人。勿生誹阻。有乖流通。自棄於淨土也。幸甚。

休閑老衲懶融道人識

戲劇供通

嘗聞祖師有聞舉輓歌而悟道者。有聞乞人行歌而悟道者。豈戲劇不足以悟道乎。吾以爲戲劇卽道。第世人習焉而不覺耳。卽今思之。父母妻子。親朋眷屬。豈不是同夥戲人。富貴功名。卽是粧點的服色。田園屋宇。卽是搬演的戲場。至于榮枯得失。聚散存亡。卽是一場中悲歡離合。其中凶頑善類。君子小人。互相酬酢。卽是一班生旦淨丑。纔離母腹。卽是開場之期。蓋棺事定。

便是散場之局。然則闔浮世界有一而非戲乎。猶未也。進而思乎其人。彼一人之身也。倏而男。倏而女。倏貴倏賤。倏文倏武。倏老倏幼。倏生倏歿。倏人倏畜。變幻不常。苦樂莫定。較與苦海衆生。輪迴六道。改頭易面。隨類受形者。寧有異乎。夫衆生因迷逐妄。隨業受報。枉淪苦趣。無有真實。然則生歿果報。無始至今。宛同一戲耳。又何疑于世劇也乎。猶未也。更進而求乎其道。彼諸人苟一當場。咲也而無喜心。啼也而無悲心。惱怒也而無煩惱之念。求乞也而無貪得之懷。男女交懽而從無癡淫之想。打罵也而不嗔。殺戮也而不恨。極意拈弄於自己主人。安然不動。鑼鼓一歇。便現本地風光。瀟洒天然。具大解脫風味。較與祖師之隨機應務。菩薩之隨類度生者。又何以異乎。嗟嗟。戲場中日說妙法。而世人不知。止供壺觴。咲謔。彼戲人日轉法輪。而自又不知。僅作糊口生涯。夫世人藉戲人以醒迷。而戲人復迷於所迷。是以迷人而復迷。迷人也。茫茫

長劫。無有出期。悲夫。

上方山退居上瑞下雲老和尚助制錢貳吊文

文武廟東山師助銀貳兩正

上方山兜率寺方丈上空下祥和和尚助銀貳兩錢

雲梯菴璽然師助制錢叁百文

勝泉菴立正師助銀貳兩正

延壽菴智道師助制錢叁百文

勝泉菴普照師助銀貳兩伍錢

東朝陽菴月明師助銀叁錢

呂祖閣明淨師助銀貳兩正

龍虎峪興純師助銀叁錢伍分

塔院菴本來師助制錢壹吊柒百文

伏魔菴秀章師助銀叁錢伍分

華嚴洞達法師助制錢壹吊柒百文

紅橋菴蓮洲師助銀叁錢

藥師殿淨安師助制錢壹吊文

般若菴圓澄師助制錢壹吊文

竹子園善寶師助制錢壹吊文

廣慈菴亮遠師助制錢壹吊文

因果菴證果師助制錢壹吊文

文殊閣淨然師助制錢壹吊文

藥師殿承修師助制錢壹吊文

彌陀菴寬祥師助制錢壹吊文

鐘樓上觀炤師助制錢壹吊文

樂昌師助當十錢捌吊文

福德菴秀泉師助制錢壹吊文

以上共銀拾叁兩叁錢正

以上共制錢拾陸吊 合銀伍兩正

以上共當十錢捌吊 合銀伍錢叁分

總共合銀拾捌兩捌錢叁分

刻姓氏一張用銀捌錢叁分

光緒十八年 印雲水山人立正勸捐

